

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

12. Fraternitas

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

credis, quod cum Christiani neminem offendant, ridiculi tantum sint & commiserabiles, odio tamen atque extremo habeantur. *B.* Atqui ego negligi tales credidi. *A.* Nequaquam, sed maxime exagitari; scilicet quia astutissimus Satan intelligit, sub hac Christiana stultitia, & ridiculis laciniis magnum contra ipsum robur latitare. *B.* Atqui tale quid non animadverti hactenus. *A.* Observabis ergo posthac, in latrones, adulteros, raptos, effractores, tumultuarios nunquam tanta sollicitudine inquiri, ac in silentes, castos & pacificos. *B.* Mira sunt. *A.* At verissima: nam ubi primum diversum vitæ institutum, quantumvis innocentissimum elucescit, ibi iniquissimis suspitionibus, dein calumniis, denique persecutionibus datur locus. *B.* Quid si idem libellus iste expertus sit? *A.* Tu videris, mihi interim persuasum est, nec Cosmoxenos facile dari, nec Cosmopolitas modestos, sed mera Mundi inquinamenta & onera.

12. FRATERNITAS.

A. DE fraternitate illa, quæ vulgo circumfertur ecquid sentis? *B.* Minus magnificè. *A.* Annè etiam nomen obtulisti, atque frustra? *B.* Non ego ad id passim video multis obtingere. *A.* Quid ergo, an esse tales aliquos credis, an curiosorum ludibrium? *B.* Vix dixerim: nisi quod male me habet tor viros bonos spe sua, & insolita expectatione excidere. *A.* Id nempe debatur, quibus præ simplici via Christi artificiosa

ciosa aliqua & inſolita arriferat. *B.* Ego ſanè integro animo Mundi pertæſus ad illos migrare volui, nullo lucri intuitu. *A.* Saltem non iniucundum fuiſſet, tantâ Naturæ revelatione & auri theſauris perfrui. *B.* Vtique: ſiquidem ad Chriſtum propiùs duxiſſent. *A.* Et aluiſſent etiã commodius? *B.* Divinaris? *A.* Et eripiuiſſet Mundi ſtrepitibus? *B.* Rides ne? *A.* Iam verò, an ſpem omnem abieciſti? *B.* Propemodum; nam & in Magorum, hæreticorum, ut aiunt, aut impoſtorum ſuſpicionem veniunt, magnis prodiçi & convicti voluminibus. *A.* Nihil autem tibi illi ſuggeſſerunt? *B.* Nihil equidè, contrã quàm fidem dederant. *A.* Nec admonuerunt. *B.* Ne litera quidem. *A.* Non id quæro, an ad te quicquam perſcripſerint, quod nunquam opinor, fiet, ſed num inter illa aliquid pro Chriſtiana vitã conceperis? *B.* Qui poſſim, qui libros illorum myſticos non habeo? *A.* Biblia conſulito, nam hæc vnicè iactant. *B.* Interpres deeſt. *A.* Is Chriſtus ſit. *B.* Qui advocabo? *A.* Precibus, lachrymis, ieiuniis, ſedulitate, exercitio. *B.* Ibi verò facilius omnia poſſem ſcilicet his vinculis exutus. *A.* Haud arbitror: nam ſi ad Chriſtianã vitam ordinem ſuum inſtituerunt, non aliter is certe conſtabit quàm Chriſti regulis, ſacro nobis Evãgelio prodiſtis, nec enim Chriſtum alium facient, nec Chriſtianos mundi amicos. *B.* Interim fraternitatis ſocius non ſum. *A.* Quid nĩ; nam ſi tales quidem uſpãm fratres Chriſti ſunt, tu per eundem Chriſtum frater illorum es, ſin aliter, nolo mihi in terris frater quocunq; titulo ſit, qui non idem Chriſti,